



Broj:490/2020

Datum:30.07.2020.godina

Na osnovu člana 22. tačka (4) Upustva o provođenju postupka za izbor prijevoznika subvencioniranih prevoz učenika osnovnih škola na području Zeničko-dobojskog kantona Ministarstva za obrazovanje, nauku, kulturu i sport Zeničko-dobojskog kantona broj: 10-02-2894/20 od 24.02.2020. godine, direktor JU „Druga osnovna škola“ Zavidovići, donosi

### **ODLUKU**

o izboru najpovoljnijeg ponuđača

#### **Član 1.**

Ugovor za prevoz učenika JU „Druga osnovna škola“ Zavidovići za školsku 2020/2021 godinu (LOT 2) dodjeljuje se ponuđaču „AŠ GARE“ d.o.o. Zavidovići.

#### **Član 2.**

Ponuda ponuđača „AŠ GARE“ d.o.o. Zavidovići u provedenom postupku bila je prihvatljiva ponuda, te je nakon ponovno provedenog postupka ocjene ponuda imala najnižu cijenu, te će se ovom ponuđaču ponuditi Ugovor za prevoz učenika JU „Druga osnovna škola“ Zavidovići za školsku 2020/2021 godinu u ukupnom iznosu od 11.880,00 KM sa PDV-om.

#### **Član 3.**

Drugi po rangu bio je ponuđač FAZ-TOUR doo Žepče sa ukupnom cijenom ponude, nakon ponovno provedenog postupka ocjene ponuda, u iznosu od 23.347,32 KM sa PDV-om.

#### **Član 4.**

Ponuda ponuđača Ziko d.o.o. Zavidovići, u provedenom postupku za nabavku prevoz učenika JU „Druga osnovna škola“ Zavidovići za školsku 2020/2021 godinu, u žalbenom postupku, rješenjem broj: 479/20 od 10.07.2020. godine, odbačena je kao neprihvatljiva iz razloga jer je ponuđač Ziko d.o.o. Zavidovići, dostavio ponudu koja ne ispunjava zahtjeve iz Poziva za dostavljanje ponuda za izbor prijevoznika za subencionirani prijevoz učenika JU „Druga osnovna škola“ Zavidovići za školsku 2020/2021. godinu broj:300/20 od 07.06.2020. godine, odnosno shodno članu 20. tačka (2) pod b.) Upustva o provođenju postupka za izbor prevoznika za subvencionirani prevoz učenika osnovnih škola na području Zeničko- dobojskog kantona Ministarstva za obrazovanje, nauku, kulturu i sport Zeničko-dobojskog kantona broj: 10-02-2894/20 od 24.02.2020. godine, škola je bila dužna odbaciti ponudu jer ista nije ispunjavala zahtjeve iz predmetnog poziva.

#### **Član 5.**

Ova odluka stupa na snagu danom donošenja.

### **Obrazloženje**

Pozivom za dostavljanje ponuda za izbor prijevoznika za subencionirani prijevoz učenika JU „Druga osnovna škola“ Zavidovići za školsku 2020/2021. godinu broj:300/20 od 07.06.2020. godine pokrenut je postupak za prevoz učenika JU „Druga osnovna škola“ Zavidovići za školsku 2020/2021 godinu. (Lot 2).



Poziv za dostavljanje ponuda za izbor prijevoznika za subencionirani prijevoz učenika JU „Druga osnovna škola“ Zavidovići za školsku 2020/2021. godinu objavljen je na web stranici JU Druge osnovna škola u Zavidovićima, te je isti poziv dostavljen na tri različite adrese.

Ponude su u ostavljenom roku dostavila tri ponuđača: Faz Tour d.o.o. Žepče, Ziko d.o.o. Zavidovići i AŠ „GARE“ d.o.o. Zavidovići.

Komisija za otvaranje ponuda (u daljem tekstu: Komisija) je izvršila otvaranje ponuda dana 24.06.2019. godine u 11,30 sati.

Nakon provedenog postupka ocjene ponuda donesena je Odluku o izboru najpovoljnijeg ponuđača broj: 455/20 od 29.06.2020. godine (LOT2) kojom je kao najpovoljniji ponuđač odabran ponuđač „AŠ GARE“ d.o.o. Zavidovići.

Dana 06.07.2020. godine, škola je zaprimila žalbu ponuđača „Faz Tour“ d.o.o. Žepče, na protokol škole broj:473/20 izjavljenu u postupku javne nabavke prevoz učenika JU „Druga osnovna škola“ Zavidovići za školsku 2020/2021 godinu.

Žalilac u žalbi je naveo da žalbu ulaže iz sljedećih razloga:

- Prijava ponuđača „Ziko“ d.o.o. Zavidovići nije formalno pravno ispravna, te nije mogla biti predmet razmatranja iz razloga što ponuđač nije numerisao strane ponude, te jer je dostavio jedno vozilo starosti 15 godina i dva vozila 17 godina starosti, a u pozivu se traži da vozila ne smiju biti starija od 15 godina, pa je ponuda kao takva trebala bit odbačena.
- Prijava ponuđača „AŠ „Gare“ d.o.o. Zavidovići, nije formalno pravno ispravna, te nije mogla biti predmet razmatranja iz razloga što ponuđač nije numerisao strane ponude, te prijava nije uvezana i zapečaćena, pa je ponuda kao takva trebala bit odbačena.
- Poziv je zbunjujući jer na jednoj stranici stoji 2019/2020. godine
- Pouka o pravnom lijeku nije u skladu sa upustvom Ministarstva za obrazovanje, nauku, kulturu i sport Zeničko- dobojskog kantona, prigovor se podnosi Školskom odboru, a ne Ugovaraču.
- Ponuđači Gare d.o.o. Zavidovići i Ziko d.o.o. Zavidovići su ponudili neprirodno nisku cijenu, a nije traženo objašnjenje.

Postupajući po žalbi, shodno članu 28. tačka (1) Upustva o provođenju postupka za izbor prevoznika za subvencionirani prevoz učenika osnovnih škola na području Zeničko- dobojskog kantona Ministarstva za obrazovanje, nauku, kulturu i sport Zeničko-dobojskog kantona broj: 10-02-2894/20 od 24.02.2020. godine škola je utvrdila da je žalba ponuđača, blagovremena, dopuštena i izjavljena od strane ovlaštenog lica.

Naime ponuđač je Odluku o izboru najpovoljnijeg ponuđača zaprimio dana 02.07.2020. Rok za žalbu je 5 dana od dana prijema Odluke, odnosno 07.07.2020. Žalba je predana dana na protokol škole 06.07.2020. iz čega proizilazi da je blagovremeno dostavljena.

U predmetnom postupku žalba je takođe dopuštena i izjavljena od strane ovlaštenog lica, jer je žalilac stranka u postupku nabavke prevoza učenika za školsku 2020/2021.godine.

Nakon konstatacija da je žalba blagovremena, dopuštena i izjavljena od strane ovlaštenog lica, provjerom osnovanosti žalbenih navoda utvrđeno je da je žalba djelimično osnovana.

Uvidom u ponudu ponuđača Ziko d.o.o. Zavidovići vidljivo je da na istoj stranice nisu numerisane, te su ponude sa cijenama dostavljene kao drugi dokument, a ne u sklopu ponude, iako u Pozivu za dostavljanje ponuda za izbor prijevoznika za subencionirani prijevoz učenika JU „Druga osnovna škola“ Zavidovići za školsku 2020/2021. godinu broj:300/20 od 07.06.2020. godine u tački 4. „Priprema ponude“ stoji sljedeće :“Svi listovi ponude moraju biti čvrsto uvezani, sa naznačenim stranicama.“

Iz naprijed navedenog moglo se utvrditi da ponuda ponuđača Ziko d.o.o. Zavidovići, nije u skladu sa zahtjevima iz Poziva za dostavljanje ponuda za izbor prijevoznika za subencionirani prijevoz učenika JU



„Druga osnovna škola“ Zavidovići za školsku 2020/2021. godinu broj: 300/20 od 07.06.2020. godine, iz čega proizilazi da se ponuđač nije pridržavao zahtjeva i uslova iz Poziva te je stoga škola shodno članu 20. tačka (2) pod b.) Upustva o provođenju postupka za izbor prevoznika za subvencionirani prevoz učenika osnovnih škola na području Zeničko-dobojskog kantona Ministarstva za obrazovanje, nauku, kulturu i sport Zeničko-dobojskog kantona broj: 10-02-2894/20 od 24.02.2020. godine, dužna odbaciti ponudu koja neispunjava zahtjeve iz tenderske dokumentacije.

Naime svrha numerisanja stranica i uvezivanje ponude u jednu cjelinu jeste mogućnost praćenja kontinuiteta ponude, kao i osiguranje da u slučaju eventualnog narušavanja integriteta odnosno cjelovitosti ponude (vađenja odnosno kidanja određenih stranica iz ponude) to bude vidljivo.

Usljed utvrđenog činjeničnog stanja, usvojila se žalba žalitelja kao osnovana u tom dijelu, ponuda ponuđača Ziko d.o.o. Zavidovići se odbacila te se ponuđač Ziko d.o.o. Zavidovići isključuje iz daljeg toka postupka nabavke jer je dostavio ponudu koja ne ispunjava zahtjeve iz tenderske dokumentacije.

Uvidom u ponudu ponuđača A.Š. „Gare“ d.o.o. Zavidovići vidljivo je da je ista uredno uvezana i zapečaćena, stranice uredno numerisane, na prvoj stranici ponude taksativno je nabrojan sadržaj ponude sa priloženom dokumentacijom, te su bili neosnovani navodi žalitelja da je ista neuredna u tom pogledu neispravna, pa se žalba žalitelja odbila u tom dijelu kao neosnovana.

U pogledu greške u Pozivu za dostavljanje ponuda za izbor prijevoznika za subvencionirani prijevoz učenika JU „Druga osnovna škola“ Zavidovići za školsku 2020/2021. godinu broj: 300/20 od 07.06.2020. godine, gdje pod tačkom 2. „Uslovi za učešće i potrebni dokazi“ podtačka 7. iza riječi prevoz učenika stoji u školskoj 2019/2020. godini, očito je da se radi o štamparskoj grešci jer je školska 2019/2020. godina završena. U naslovu poziva jasno stoji da je to prevoz učenika JU „Druga osnovna škola“ Zavidovići za školsku 2020/2021. godinu, te se i kroz čitav poziv navodi školska 2020/2021. godina tako da škola ne smatra da je navedene štamparska greška od uticaja za ovaj postupak, pa se žalba žalitelja takođe odbila u tom dijelu kao neosnovana.

Što se tiče pouke o pravnom lijeku, koja nije data u skladu sa upustvom Ministarstva za obrazovanje, nauku, kulturu i sport Zeničko-dobojskog kantona broj: 10-02-2894/20 od 24.02.2020. godine, škola je navela da kada je u odluci dato pogrešno upustvo, stranka može postupiti po važećim propisima ili po upustvu, a stranka koja postupa po pogrešnom upustvu, ne može zbog toga imati štetnih posljedica. Imajući u vidu navedeno žalba se odbila u tom dijelu kao neosnovana.

U pogledu navoda žalitelja da su ponuđači A.Š. „Gare“ d.o.o. Zavidovići i „Ziko“ d.o.o. Zavidovići ponudili neprirodno nisku cijenu, škola navodi da u Pozivu za dostavljanje ponuda za izbor prijevoznika za subvencionirani prijevoz učenika JU „Druga osnovna škola“ Zavidovići za školsku 2020/2021. godinu broj: 300/20 od 07.06.2020. godine, tačka 6. „Kriteriji za dodjelu ugovora i cijena“, stoji: „Ugovor se dodjeljuje ponuđaču na osnovu kriterija najniže cijene tehnički zadovoljavajuće ponude“, tako da škola smatra da je cijena ponude izabranog ponuđača prihvatljiva, u okviru budžeta s kojim škola raspolaže, te se iz navedenog razloga nije tražilo objašnjenje. Imajući u vidu navedeno žalba žalitelja se odbila u tom dijelu kao neosnovana.

Škola je razmatrajući Žalbu, postupila po članu 28. tačka 4. Upustva o provođenju postupka za izbor prijevoznika subvencionirani prevoz učenika osnovnih škola na području Zeničko-dobojskog kantona Ministarstva za obrazovanje, nauku, kulturu i sport Zeničko-dobojskog kantona broj: 10-02-2894/20 od 24.02.2020. godine, na način da je svojim rješenjem broj: 479/20 od 10.07.2020. godine djelimično usvojila žalbu ponuđača „Faz-Tour“ d.o.o. Žepče, izjavljenu protiv Odluke o izboru najpovoljnijeg ponuđača broj: 479/20 od 10.07.2020. godine, te je Odluku o izboru najpovoljnijeg ponuđača broj: 455/20 od 29.06.2020. godine stavila van snage i ponudu ponuđača Ziko d.o.o. Zavidovići za prevoz učenika JU „Druga osnovna škola“ Zavidovići za školsku 2020/2021 godinu, odbacila kao neprihvatljivu.



Rješenje broj: 479/20 od 10.07.2020.godine, kojim je postupljeno shodno članu 28. tačka 4. Upustva o provođenju postupka za izbor prijevoznika subvencionirani prevoz učenika osnovnih škola na području Zeničko-dobojskog kantona Ministarstva za obrazovanje, nauku, kulturu i sport Zeničko-dobojskog kantona broj: 10-02-2894/20 od 24.02.2020. godine, dostavljeno je istog dana preporučenom poštanskom pošiljkom svim učesnicima postupka. Na navedeno rješenje svi učesnici postupka, mogli su izjaviti žalbu Školskom odboru, u roku od pet dana od dana prijema rješenja.

Na rješenje broj: 479/20 od 10.07.2020. godine ni jedan od učesnika postupka nije uložio žalbu, usljed čega je isto postalo pravosnažno.

Slijedom navedenog, bilo je potrebno da ugovorni organ donese novu odluku o izboru najpovoljnijeg ponuđača za nabavku prevoza učenika JU „Druga osnovna škola“ Zavidovići za školsku 2020/2021 godinu, na osnovu ponovo provedenog postupka pregleda i ocjene ponuda kojom će se zamijeniti ranija Odluka broj: 455/20 od 29.06.2020. godine, jer je ponuda drugorangiranog ponuđača u postupku po žalbi odbačena kao neprihvatljiva.

Pošto je u predhodno provedenom postupku ocjene ponuda učestvovao i ponuđač čija je ponuda naknadno odbačena kao neprihvatljiva.

Usljed naprijed navedenog činjeničnog stanja Komisija za javne nabavke je ponovila postupak ocjene ponuda sa dvije prihvatljive ponude, te rang lista glasi:

Naziv/ime ponuđača		Ukupna cijena ponude sa PDV-om
1.	AŠ „GARE“ d.o.o. Zavidovići	11.880,00 KM
2.	FAZ-TOUR d.o.o. Žepče	23.347,32 KM

Nakon provedenog postupka ocjene prihvatljivih ponuda prema utvrđenom kriteriju-najniža cijena, Komisija je dala preporuku da se prihvati ponuda ponuđača „AŠ GARE“ d.o.o. Zavidovići kao najpovoljnija za nabavku prevoz učenika JU „Druga osnovna škola“ Zavidovići za školsku 2020/2021 godinu koja je u provedenom imala najnižu cijenu u ukupnom iznosu od 11.880,00 KM sa PDV-om.

Drugi po rangu bio je ponuđač FAZ-TOUR d.o.o. Žepče sa ukupnom cijenom ponude, u iznosu od 23.347,32 KM sa PDV-om.

Cijeneći pravilnost provedenog postupka za nabavku prevoz učenika JU „Druga osnovna škola“ Zavidovići za školsku 2020/2021 godinu, te datu preporuku od strane Komisije za javne nabavke, odlučeno je kao u dispozitivu ove Odluke.

POUKA O PRAVNOM LIJEKU:

Protiv ove Odluke može se izjaviti žalba Školskom odboru putem škole najkasnije u roku od 5 dana od dana prijema iste, u dovoljnom broju primjeraka.



Direktor:  
Brčaninović Admir

DOSTAVLJA SE:

1. Ponuđačima,
2. Arhivi.